

**STATUTI
I SHOQËRISË TREGTARE**

“ANIMA 08” SH.P.K

ME SELI NË : “Sheshi Italia 1, Arena Center”

Sot, më datë 10/05/2022 (dymijë e nentembedhjetë), ortaku themelues:

Ka vendosur themelimin e shoqërisë “ ANIMA 08” SH.P.K me terma si më poshtë:

- **Znj. Vjollca Hoxha**, qytetare Shqiptare, lindur ne **Tirane**, me **23/03/1969**, rezident ne **Rruga Fatmir Haxhiu,Tirane**, me nr karte identiteti **G95323231L**

I. DISPOZITA TË PËRGJITHSHME

Shoqëria Tregtare “ANIMA 08” SH.P.K rregullon pozitën e saj juridike, marrdhëniet e themeluesve, të organeve të saj, llojin e Shoqërisë, kohëzgjatjen e veprimtarisë së saj, marrdhëniet me të punësuarit, duke u bazuar në ligjin Nr. 9901, datë 14.04.2008 “Për Tregtarët dhe Shoqëritë Tregtare”, dhe dispozitat e tjera të legjislacionit shqiptar në fuqi që rregullojnë marrdhëniet e Shoqërive Tregtare

NENI 1

Emri dhe selia e Shoqërisë

Shoqëria është Person Juridik Privat. Shoqëria do të paraqitet në qarkullimin juridik-civil me emërtimin e saj “ANIMA 08” sh.p. k dhe emrin tregtar: “ANIMA 08” sh.p.k.

NENI 2

Selia e Shoqërisë

Selia e Shoqërisë ndodhet në Tiranë në adresën “Sheshi Italia 1, Arena Center”.

NENI 3

Kohëzgjatja e Shoqërisë

Afati kohor i zhvillimit të aktivitetit është pa afat dhe mund të zgjatet apo shkurtohet një ose disa herë vetëm me vendim të Asamblesë së Përgjithshme të Ortakëve.

NENI 4 Objekti i veprimtarisë

Shoqëria ka për objekt veprimtarie:

Ne fushën e projektimit në ndërtim, studime plane racionale urbanistike, plane rregullues të përgjithshëm për qendra të banuara, qytete, studime urbanistike, studime pjesore urbanistike, projekttime objekte civile, industriale, turistike deri pesë kate, projekttime objekte civile, industriale, turistike mbi pesë kate, projekttime objekte sportive, projekttime interiere, projektim pejsazhesh sistemime sipërfaqe të gjelbra lulishte. furnizim me ujë, kolektore shkarkimi, ujësjellësa kanalizime urbane, rurale, rrugë auto kategoria V e IV, projektim shtresa rrugore e sistemim asfaltim, projektim urra e vepra arti deri 10 m, Në zbatim në ndërtim germime dhe në punime eventuale, murature e beton arme, prishje dhe në toke të germuar, Ndërtime civile industriale, turistike, bujqësore deri 5 kate ndërtime civile industriale turistike bujqësore mbi pesë kate rikonstruksione. Ndërtim banesë me skelet mbi tetë kate, Ndërtim rrugë kategoria IV e V, ndërtim rrugë kategoria III, II, I, punime të mirembajtjes dhe sinjalistikes, në rrugë, ndërtim mbishtresa rrugore, ndërtim autostrada, pista aeroporte, helioporte. ndërtim tunele rrugore – hekurudhore dhe kompletimi me instalimet e nevojshme për to. Ndërtim ura e vepra arti deri 10 m, ndërtim ura dhe vepra arti mbi 10 m, estakada, ura metalike, të varura. Ndërtim ujësjellësa, kanalizime, kanale e impiante vaditese. Në fushën e prodhimit të materialeve të ndërtimit Prodhim materiale inerte lumore e malore (Konglomerate) – gure gelqerore nga gurorët malore, prodhime elemente betoni e beton arme të zakonshme, të parandëruar, gure dekorative, prodhim materiale lidhës, gelqere, çimento allçi, betone, prodhime me baze bitumi e sintentike. Në fushën e tregëtimit me shumicë e pakicë, të import eksport prekin apo jo kufirin shqiptar të materialeve: ushqimore, industriale, lende të para, makineri e pajisje, automjete të transportit urban e të mallrave, makineri teknologjike ndërtimi gjysem të gatshme, produkte, artikuj të konsumit farmaceutik, elektroshtepiake, konfeksione, bime medicinale, kozmetike, prodhim e tregëtim të materialeve të ndërtimit, pjesë këmbimi për makineri të ndryshme, makineri e automjete, pika servisi, tregëtim karburantesh, dhe vajra lubrifikante, hapje dyqane, bar bufë, restorant, hoteleri, si dhe në fushën e automjeteve, si dhe në përdorimin e lendeve plasese e shpërthyes për nevoja civile, shpërthim në gurorë për prodhim materiale inerte, për përdorime në germime të natyrave të ndryshme.

NENI 5 Kapitali Themeltar

Kapitali i shoqërisë me përgjegjësi të kufizuar ndahet në një numër kuotash, në raport me kontributin e dhënë nga çdo ortak në shoqëri.

Kapitali themeltar i shoqërisë me përgjegjësi të kufizuar është në vlerën 100,000 Leke dhe përfaqësohet nga kontributi i anëtarit të vetëm themelues, i ndare në një kuotë. Ortaku i vetëm themelues i Shoqërisë zotëron kuotat në këtë shoqëri si më poshtë:

- **Znj. Vjollca Hoxha** në cilësinë e ortakut themelues zotëron 100 % të kapitalit social me vlerë **100,000 Lek.**

NENI 6

Zmadhimi dhe zvogëlimi i kapitalit

Kapitali themeltar mund të zmadhohet ose të zvogëlohet nga Asambleja e Përgjithshme. Zmadhimi i kapitalit mund të vendoset kur e kërkojnë interesat e Shoqërisë duke vendosur kuotat suplementare të Ortakëve.

Asambleja e Përgjithshme, vendos për zvogëlimin e kapitalit të Shoqërisë me shumice të parashikuar për ndryshimet në Statut.

NENI 7

Financimet e Ortakëve

Ortakët, në bazë të një vendimi nga ortakët, mund të kryejnë financime në favor të shoqërisë me kundërshpërblim ose jo, me ose pa detyrimin e rimbursimit.

NENI 8

Marredheniet ndermjet ortakëve

Ortakët, e shoqërisë tregtare, që kryejnë një apo më shumë nga veprimet ose mosveprimet vijuese, përgjigjen personalisht e në mënyrë solidare për detyrimet perkundrejt shoqërisë apo ortakëve, për angazhimet e marra në shkelje të interesave të shoqërisë dhe në dem të shoqërisë, dhe vetëm brenda investimit të tyre nëse:

a) abuzojnë me formën e shoqërisë tregtare, në kundërshtim me ligjin apo statutin e saj, për arritjen e qëllimeve të paligjishme;

b) trajtojnë pronësitë e shoqërisë tregtare në kundërshtim me vendimet e asamblese së përgjithshme ose dispozitat e percaktuara nga administratoret që rregullojnë përdorimin dhe shfrytëzimin e tyre;

NENI 9

Ndalimi i konkurrencës

Ortakët nuk mund të mbajnë një pozicion drejtues apo të jenë të punësuar në shoqëri të tjera, që ushtrojnë veprimtari në të njëjtin sektor ekonomik me shoqërinë. Gjithashtu, ata nuk mund të mbajnë statusin e tregtarit për të ushtruar veprimtari në këtë sektor. Statuti mund të parashikojë që ndalimi i përmendur më sipër të shfuqizohet nëpërmjet një autorizimi të posaçëm, të dhënë nga ortakët, apo nga asambleja e përgjithshme me 50%+1 të votave të favorshme.

Ky autorizim mbetet në fuqi edhe pas humbjes së cilësive apo statusit të përmendur në të, por jo për një periudhë më të gjatë se një vit pas humbjes së kësaj cilësie.

Nëse ndonjëri prej ortakëve shkel ndalimin e konkurrencës, shoqëria mund:

a) ta përjashtojë atë nga shoqëria apo ta shkarkojë nga detyra;

b) të kërkojë ndërprerjen e veprimtarisë konkurruese;

c) të ngrejë padi për shpërblimin e dëmit.

Shoqëria, si alternativë të ngritjes së padisë për shpërblimin e dëmit, mund t'i kërkojë secilit prej ortakëve:

a) të pranojë se transaksionet e kryera për llogari të tij të kalohen për llogari të shoqërisë;

b) t'i transferojë shoqërisë të gjitha përfitimet që ka marrë nga kryerja e veprimeve për llogari të personave të tretë;

c) t'i transferojë shoqërisë të gjitha të drejtat e kreditë, që kanë rrjedhur nga kryerja e veprimeve për llogari të personave të tretë.

NENI 10 **Pronësia mbi kuotat**

Kuotat e kapitalit dhe të drejtat që rrjedhin prej tyre fitohen ose kalohen, nëpërmjet:

- kontributit në kapitalin e shoqërisë;
- shit-blerjes;
- trashëgimisë;
- dhurimit;
- në çdo mënyrë tjetër të parashikuar në ligj.

NENI 11 **Transferimi i kuotave nëpërmjet të gjallëve**

Ortakët e shoqërisë në rastet e transferimit të kuotave rezervojnë të drejtën e parablerjes së kuotave të kapitalit të shoqërisë.

Në një rast të tillë kur ortaku kërkon të shesë kuota ose pjesë të saj, duhet të njoftojë pranë organit administrativ dhe tek ortakët e tjerë, nëpërmjet një letër rekomande duke specifikuar çmimin dhe modalitetet e pagesës.

Brënda 30 (tridhjetë) ditëve nga ky komunikim, ortakët e tjerë duhet të lajmërojnë nëpërmjet një letër rekomande nëse duan ta ushtrojnë të drejtën e parablerjes.

Kur afati 30(tridhjetë) ditor kalon pa asnjë lajmërim nga ortakët, atëherë e drejta e parablerjes do të konsiderohet e ezauruar. Në një rast të tillë transferimi tek të tretët do të kryhet nëpërmjet pëlqimit të Asamblesë së Përgjithshme, e cila duhet të shprehet brënda 30 (tridhjetë) ditëve nga marrja e kërkesës.

NENI 12 **Vdekja e Ortakut**

Transferimi i kuotave në rastin e vdekjes së një ortaku, si në mënyrë të veçantë dhe në mënyrë universale, do të kryhet sipas mënyrës së mëposhtme:

- shoqëria do të vazhdojë të kryejë aktivitetin e saj edhe vetëm me një apo të gjithë trashëgimtarët e të ndjerit.
- për përcaktimin e vlerës së kuotës së ortakut të vdekur e cila i takon trashëgimtarit të të ndjerit, në rast të likuidimit aplikohet neni 15 më poshtë.

NENI 13 **Largimi i ortakut nga shoqëria dhe likuidimi i kuotës**

Ortaku mund të largohet nga shoqëria nëse :

- ortakët e tjerë ose shoqëria kanë kryer veprime në dëm të tij,
- nëse është penguar të ushtrojë të drejtat e tij,
- nëse shoqëria i ka ngarkuar detyrime të paarsyeshme apo për shkaqe të tjera, që e bëjnë të pamundur vazhdimin e ortakërisë.

Ortaku që kërkon largimin, duhet të njoftojë shoqërinë me shkrim, si dhe të parashtojë shkaqet e largimit.

Administratorët duhet të thërrasin mbledhjen e asamblesë së përgjithshme menjëherë pasi të kenë marrë dijeni për njoftimin e largimit, për të vendosur nëse ortakut do t'i likuidohet kuota, si pasojë e largimit për shkaqe të arsyeshme.

Ortaku ka të drejtë të ngrejë padi në gjykatë ndaj shoqërisë për likuidimin e kuotës, si pasojë e largimit për shkaqe të arsyeshme, nëse pas njoftimit të largimit asambleja e përgjithshme nuk mblidhet apo nuk i njuh si të arsyeshme shkaqet e largimit dhe likuidimin e kuotës.

Ortaku që kërkon largimin nga shoqëria, detyrohet ta dëmshpërblejë shoqërinë për dëmet e shkaktuara, nëse rezulton se largimi është kryer në bazë të shkaqeve të paarsyeshme.

Ortaku që largohet ka të drejtë të ngrejë padi ndaj shoqërisë dhe/ose ortakëve të tjerë që shkaktuan largimin e tij dhe të kërkojë ndaj tyre, në mënyrë solidarë, shpërblimin e dëmit të pësuar.

NENI 14 **Përrjashtimi i ortakut**

Në bazë të një vendimi të asambleja e përgjithshme mund t'i kërkojë gjykatës përrjashtimin e ortakut, nëse ai nuk ka shlyer kontributin e tij, sipas parashikimeve të statutit ose nëse ekzistojnë shkaqe të tjera të arsyeshme për këtë përrjashtim.

Konsiderohen shkaqe të arsyeshme për përrjashtimin e ortakut, por pa u kufizuar në to, rastet kur ortakut:

- mungese pagese e kontributit te nënshkruar nga ortakut;
- mungese pagese e kontributit si titull financimi, investimi , rritje kapitali i kerkuar per ortak;
- shkel detyrimet e përcaktuara ne statut;
- në rastin e sjelljeve me shkaqe të arsyeshme për përrjashtimin e ortakeve, sipas dispozitave të Statutit;
- në prani të ndonjë arsye tjetër të arsyeshme për të justifikuar përrjashtimin e ortakeve;

Konsiderohen baza të arsyeshme për përrjashtimin e nje ortakut, me anë të shembullit dhe jo kufizim, rastet në të cilat ortakut:

- me qëllim apo me pakujdesi te rende shkakton dëme shoqërisë ose ortakeve te tjerë;
- shkelja me dashje apo me pakujdesi të akteve nënligjore statutore ose detyrimet sipas ligjit;
- perfshihet në aktivitete kundër interesave të shoqërisë dhe që e bëjnë të pamundur vazhdimësinë e marrëdhënies në mes shoqërisë dhe ortakut;
- demton ose të pengon ushtrimin e aktivitetit të shoqërisë tregtare;

Gjatë procedurës së përrjashtimit të ortakut, me kërkesë të paditësit, gjykata mund të marrë një masë për sigurimin e padisë, duke pezulluar të drejtën e votës së ortakut, që kërkohet të përrjashtohet, si dhe të drejtat e tjera, që rrjedhin nga zotërimi i kuotës së shoqërisë, kur ajo e vlerëson këtë masë si të nevojshme dhe të justifikuar.

Shoqëria ka të drejtë t'i kërkojë ortakut të përrjashtuar shpërblimin e dëmit të pësuar nga veprimet, që kanë sjellë përrjashtimin, sic parashikohet nga neni 8. Ortaku ka të drejtë t'i kërkojë shoqërisë shpërblimin e dëmit të pësuar, nëse kërkesa për përrjashtim nuk është e bazuar.

Ortaku nuk ka të drejtë t'i kërkojë shoqërisë likuidimin e kuotës, nëse ai përjashtohet për shkaqe të arsyeshme, por, nëse shoqëria ngre ndaj tij padi për shpërblim dëmi, ortaku ka të drejtë të kompensojë çdo shumë, që do të kishte të drejtë ta përfitonte në cilësinë e likuidimit të kuotës, me dëmin e kërkuar nga shoqëria.

NENI 15 **Likuidimi i kuotës**

Në rastet e parashikuara më sipër në nenet 12, 13 dhe 14, kuotat do t'i likuidohen ortakut që largohet apo që përjashtohet, apo trashëgimtarëve të ortakut të vdekur në përpjestim me pasurinë e shoqërisë.

Pasuria e shoqërisë do të përcaktohet nga një raport i organit administrativ duke marrë njëkohësisht dhe mendimin e një eksperti kontabël në rast se shoqëria ka të tillë, duke patur parasysh vlerën e tregut të kuotave të zotëruara në ditën e vdekjes së ortakut apo në ditën e marrjes së vendimit sipas ligjit për largimin apo përjashtimin të ortakut.

Likuidimi i kuotave të zotëruara duhet të realizohet brenda 180 (një qind e tetëdhjete) ditëve nga dita në të cilën është vendosur likuidimi. Likuidimi mund të bëhet nëpërmjet blerjes së kuotave nga ana e ortakëve që mbeten në proporcion me pjesën e zotëruar prej tyre ose me shitjen e kuotave tek një person i tretë, i cili është miratuar nga ortakët e tjerë. Në rast se kjo nuk arrihet, atëherë likuidimi do të bëhet nëpërmjet përdorimit të rezervave ekzistuese të shoqërisë ose nëpërmjet zvogëlimit të kapitalit në proporcion me masën e kuotave që duhet të likuidohet, me përjashtim të rastit kur zvogëlimi vjen në kundërshtim me ligjin.

Në rast të vdekjes së njërit prej ortakëve, trashëgimtari (ose trashëgimtarët) do të ofrojë për shitje kuotën ose kuotat e trashëguara ortakëve të tjerë të shoqërisë. Në rast se ortakët refuzojë për të blerë ose për të ushtruar të drejtën e refuzimit sipas nenit të mëparshëm 11, trashëgimtari mund të mbajë pronësinë e kuotave ose të shesë ato palëve të treta.

NENI 16 **Administrimi dhe përfaqësimi**

Shoqëria mund të administrohet në mënyrë të alternuar, me vendim të ortakëve sipas emërimit nga:

1. administratori i vetëm
2. nga dy apo më shumë administratorë me kompetenca të përbashkëta ose të veçanta, secili në përputhje me kompetencat e shprehura nga asambleja e përgjithshme.

Ne vijim të themelimit të shoqërisë është miratuar forma administrative të një (1) administratori. Kjo formë e administratës mund të ndryshohet vetëm me rezolutë të mëtejshme të Asamblese së Përgjithshme për këtë qëllim.

Në rast se administratori emërohet pa ju referuar ndonjë rregulli për ushtrimin e kompetencave të administratorëve, do i bëhet referim rregullave të përgjithshme të ligjit 9901, datë 14/04/2008.

Administratorët mund të jenë dhe jo ortakë.

Nuk mund të emërohen administratorë dhe në rast se janë emëruar shkarkohen, ata që janë subjekt i neneve 13 dhe 95 të ligjit 9901, datë 14/04/2008.

Afati i emërimit, nuk mund të jetë më i gjatë se 5 vjet, me të drejtë ripërtëritjeje nga ana e asamblese se përgjithshme.

Emërimi i administratorëve prodhon efekte pas regjistrimit në Qendrën Kombëtare të Biznesit.

Administratorët do të përfitojnë një shpërblim të miratuar nga ortakët, do të kenë të drejtën e rimbursimit të shpenzimeve të kryera për arsye pune, si dhe do të përfitojnë një shpërblim në rastin kur largohen nga detyra

Asambleja e Përgjithshme mund të emërojë përfaqësues të posaçëm për punë të veçanta apo grup punësh dhe ti revokojë ata, mund të emërojë drejtorë, zv. drejtorë dhe agjentë, mund të ndërmarrë dhe përballet me çështje gjyqësore në çdo shkallë gjyqësore duke emëruar avokatë, përfaqësues dhe ekspertë dhe duke i revokuar ata.

Së fundi, administratorët mund të përfshijne në procedime ligjore dhe ti qëndrojnë atyre përpara çdo juridiksioni, në çdo fazë, duke patur autoritetin të emërojë avokatëve, prokurorëve dhe ekspertë, në varësi të mundësisë e tërheqjes sapo te kete përfunduar ose të ndërpritet detyra.

Administratori i shoqërisë "ANIMA 08" shpk do të jetë:

- **Znj. Vjollca Hoxha**, shtetase Shqiptare, rezident ne Tirane, i datëlindjes 23/03/1969, mbajtes i kartes se identitetit nr. G95323231L.

Administratori do te mund te rikonfirmohet me një vendim te posacem te asamblese në fund të mandatit pesë-vjeçar. Administratori përfaqëson shoqërinë përpara organeve gjyqësore administrative ose ndonjë subjekte të tjera publike ose private dhe palëve të treta. Administratori i shoqërisë do ti ushtrojne keto te drejta perfaqesimi si ligjore dhe proceduriale ne perputhje me parashtrimet ne statutin e shoqërisë, dhe fuqive dhënë dhe sipas legjislacionit në fuqi dhe të zbatueshme në këtë çështje.

NENI 17

Të drejtat dhe detyrimet e administratorëve

Administratori kryen aktivitetet ne vijim:

1) Menaxhimi i Burimeve Njerëzore:

- a) Krijimi dhe planifikimi i kërkesavete biznesit në lidhje me cilësinë dhe sasinë e burimeve njerëzore që do të përdoren në kompani;
- b) Te punësojë, te largoje nga puna, ne fushen e politikave të personelit, të punësuarit dhe bashkëpunëtorët, si dhe të vendosë për shpërblimin relativ te tyre ;
- c) Të përfaqësuar shoqërinë kundrejt çdo institucioni social dhe sigurues, duke përbushur kërkesat e dispozitave në fuqi në lidhje me punën.

2) Ligjore:

- a) Të emërojë, shkarkojë, dhe të përcaktojë kompetencat e tyre;
- b) Të përfaqësojnë shoqërinë ndaj çdo autoriteti apo administrate publike apo shtetërore.

Administratorit , i atribuohet gjithashtu nënshkrimi i bilancit ,raportin vjetor dhe shënimeve shpjeguese dhe deklaratat e nevojshme për t'i bashkëngjitet pasqyrave financiare sipas normativave në fuqi.

3) Operativiteti:

- a) të organizojë operativitetin dhe të ndjeke menaxhimin e aktiviteteve kryesore të shoqërisë;
- b) të lidhë kontrata për furnizim, në përgjithësi, duke përfshirë edhe ato të transportit, postar, qira, edhe financiare, të pasurisë së luajtshme dhe të paluajtshme në lidhje me aktivitetin e shoqërisë. Për kontrata financimi e huaje kërket vendim asambleje nga ortaku i shoqërisë.
- c) të kërkojë kredi dhe të bëjë pagesën e faturave të furnitorit në kufijtë e shpenzimeve të dhëna.

4) Administrative:

- a) të organizojë dhe monitorojë aktivitetet e menaxhimit administrativ të kompanisë, të nënshkruaj kontrata të furnizimit me profesionistët dhe studio të administrimit të kontabilitetit, të bëjë ndonjë ankesë organit kompetent administrativ (Qendra Kombëtare e Biznesit apo Zyrën e Tatimeve) sa i përket akteve me interes të shoqërisë;
- b) të përfaqësojnë shoqërinë me autoritetet tatimore dhe me fuqi administrative të nënshkruajë deklaratat tatimore.

Edhe pse nuk është e përfaqësuar në mënyrë specifike nga fuqitë e mësipërme, vendimet e administratoreve do të merren bashkërisht, duke përfshirë edhe hapjen e marrëdhënieve e llogarive bankar dhe marrëdhëniet financiare me ose pa mirëbesim ,dhe ndryshim të selisë së shoqërisë , hapje ose mbyllja e adresave sekondare të shoqërisë në territorin kombëtar të Republikës së Shqipërisë, në territorin e vendeve jashtë Bashkimit Evropian, ose në ndonjë vend tjetër të huaj ku është e nevojshme.

Asambleja e përgjithshme mund të shkarkojë administratorin në çdo kohë me shumicë të zakonshme.

Statuti apo marrëveshje të tjera nuk mund të përjashtojnë apo kufizojnë këtë të drejtë. Paditë, që lidhen me shpërblimin e administratorit, në bazë të marrëdhënieve kontraktore me shoqërinë, rregullohen sipas dispozitave ligjore në fuqi.

Administratori i shoqërisë nuk mund të veprojë si përfaqësues i ortakëve në asamble.

Nëse asambleja e përgjithshme emeron , në vend të pluralitetit të administratoreve, një administrator të vetëm , i njëjti do ketë fuqinë për të përfaqësuar shoqërinë, si dhe kompetencat e menaxhimit të administrimit të zakonshëm dhe të jashtëzakonshëm.

Kjo, në çdo rast, brenda kompetencave të dhëna nga asambleja e përgjithshme , dhe për kompetencat e përgjegjësive ekskluzive të njëjta.

NENI 18
Asamblea e Përgjithshme

Organi themelor i shoqërisë është Asamblea e Përgjithshme.

Asamblea e Përgjithshme, ndertuar mbi bazë të nenit 20, me shumicën e thjeshtë të votave të ortakeve që marin pjesë në asamble vendos, ndër të tjera, dhe mbi ceshjtjet e mëposhtme:

1. aprovime dhe ndryshime në rregulla e procedura të lidhura me mbledhjen e asamblese së përgjithshme ;
2. percaktimin e politikave tregtare të shoqërisë;
3. emerim dhe shkarkim të administratorëve;
4. emerim dhe shkarkim, nëse është e nevojshme, e likujdatorit, ekspertëve kontabel dhe audituesve të autorizuar;
5. percaktimin e shperblimeve për administratorët, likujdatorët, ekspertët kontabel dhe audituesit e autorizuar;
6. vezhgim mbi aplikimin, nga ana e administratorëve , të politikave tregtare, duke përfshirë përgatitjen e pasqyrave financiare vjetore dhe të raporteve të biznesit;
7. përpjestimin e kuotave dhe anulimin e tyre;
8. përfaqësimin e shoqërisë në Gjykata në rast procedimesh perkundrejt drejtorëve;
9. raste të tjera të parashikuara nga ligji dhe statuti.

Asamblea e Përgjithshme, kur konstituohet në mënyrë të vlefshme, merr vendime të cilat kërkojnë një shumicë të cilësuar prej $\frac{3}{4}$ e votave të aksionarëve në rastet e mëposhtme:

1. ndryshimet në statut;
2. shtim dhe zvogelim kapitali;
3. shperndarje e fitimeve;
4. riorganizimin dhe prishjen e shoqërisë;
5. raste të tjera të parashikuara nga ligji dhe statuti.

Asambleja e Përgjithshme mbledhet, në çdo rast, sa herë që mbledhja është e nevojshme për të mbrojtur interesat e shoqërisë duke përfshirë për shembull, rastet e mëposhtme

- a) sipas bilancit vjetor apo raporteve të ndërmjetme financiare, rezulton ose ekziston rreziku që aktivet e shoqërisë nuk i mbulojnë detyrimet e kërkueshme brenda 3 muajve në vazhdim.
- b) shoqëria propozon të shesë apo të disponojë në mënyrë tjetër aktive, të cilat kanë një vlerë më të lartë se 5 për qind të aseteve të shoqërisë, që rezulton në pasqyrat e fundit financiare të certifikuara.
- c) shoqëria, brenda dy viteve të para pas regjistrimit të saj, propozon të blejë nga një ortak pasuri, që kanë vlerë më të lartë se 5 për qind të aseteve të shoqërisë, që rezulton në pasqyrat e fundit financiare të certifikuara
- d) Asambleja e përgjithshme thirret nga administratorët apo ortakët të cilët përfaqësojnë të paktën 5% të totalit të votave në asamblenë e përgjithshme të shoqërisë.

Në rastet e parashikuara në pikën a) dhe c) më sipër, përpara asamblesë së përgjithshme paraqitet një raport i përgatitur nga një ekspert kontabel i autorizuar i pavarur.

Në rastet e parashikuara në pikën a) dhe c) më sipër, administratoret mund të paraqesin ne Asamblene e Përgjithshme, duke ilustruar punën e shoqërisë, çdo strategji dhe këshilla operative e financiare që do të kërkojnë miratimin e ortakeve. Ortaket janë të lirë për të proceduar me miratimin e këtij raporti ose të paraqesin vërejtjet dhe / ose shtesa të nevojshme.

NENI 19

Thirrja e Asamblesë së Përgjithshme

Asambleja e përgjithshme thirret nëpërmjet një njoftimi me shkresë ose, me njoftim nëpërmjet postës elektronike.

Njoftimi me shkresë apo me mesazh elektronik duhet të përmbajë vendin, datën, orën e mbledhjes dhe rendin e ditës e t'u dërgohet të gjithë ortakëve, jo më vonë se 7(shtate) ditë përpara datës së parashikuar për mbledhjen e asamblesë.

Kur asambleja e përgjithshme nuk është thirrur si më sipër, ajo mund të marrë vendime të vlefshme vetëm nëse të gjithë ortakët janë dakord, për të marrë vendime, pavarësisht parregullsisë.

Asambleja e Përgjithshme, thirret në selinë e shoqërisë, ose në një vend tjetër, duke përfshirë çdo fushë të kombit-BE.

Eshte e mundur te mbahen takimet e Asamblese së Përgjithshme, edhe në qoftë se një ose më shumë anëtarë, pervec e Kryetarit dhe Sekretarit të emëruar si ne nenin ardhshëm 20, për të ndërhyrë në punën nga një vend tjetër, në shumë vende afër ose larg, përmes përdorimi i mjeteve audio / video që sigurojnë identitetin e lehtë të ortakeve pjesemarrës.

NENI 20

Kuorumi i nevojshëm dhe vendim-marrja

Asambleja e Përgjithshme, ne ditën e themelimit dhe mbledhjes se saj, emerone si Kryetar me funksion drejtues te mbledhjes dhe si Sekretar akti, për hartimin e vete aktit.

Një ortak mund të përfaqësohet nga ortaku, mbi bazën e një prokure apo autorizim te një anëtarit tjetër ose një personi të tretë, jo domosdoshmërisht një ortak.

Perfaqesimi apo prokura e leshuar me shkrim nga një nga ortaket e autorizon personin e deleguar për të marrë pjesë në një mbledhje të vetme të Ortakeve, me vlefshmërinë e asaj perfaqesuese ne Asamblene e Përgjithshme, është i vlefshëm edhe për mbledhjet vijuese me të njëjtin rend dite.

Në rastin e marrjes së vendimeve, që kërkojnë një shumicë të zakonshme, asambleja e përgjithshme mund të marrë vendime të vlefshme vetëm nëse marrin pjesë ortakët me të drejtë vote, që zotërojnë më shumë se 30 për qind të kuotave.

Në rastin kur asambleja e përgjithshme duhet të vendosë për çështje, të cilat kërkojnë shumicë të kualifikuar, ajo mund të marrë vendime të vlefshme vetëm nëse ortakët që zotërojnë më shumë se 50%+1 te vleres se kuotave perfaqesuese te kapitalit.

Votimi mund të bëhet me praninë e ortakut ose me ngjarjen kryer në një shkrim, me e-mail, solli në vëmendjen te Asamblese.

Nëse asambleja e përgjithshme nuk mund të mbledhet për shkak të mungesës së kuorumit të përmendur më sipër, asambleja mbledhet përsëri jo më vonë se 30 ditë, me të njëjtin rend dite.

Asambleja e përgjithshme vendos me $\frac{3}{4}$ e votave të ortakëve pjesëmarrës mbi çështjet e mëposhtme :

- për ndryshimin e statutit,
- zmadhimin ose zvogëlimin e kapitalit të regjistruar,
- shpërndarjen e fitimeve,
- riorganizimin dhe prishjen e shoqërisë.

Për çështjet e tjera, asambleja e përgjithshme vendos me shumicën e votave të ortakëve pjesëmarrës. Çdo kuotë jep të drejtën e një vote.

Ortakët, që nuk janë të pranishëm, mundësinë e pjesëmarrjes në mbledhjen e asamblesë së përgjithshme me mjete të ndryshme komunikimi, përfshirë mjetet elektronike, me kusht që të garantohet identifikimi i ortakëve.

Ortaku, që pengohet të ushtrojë të drejtat që i rrjedhin nga zotërimi i kuotës së shoqërisë, ka të drejtë t'i kërkojë gjykatës të urdhërojë ndalimin e cenimit apo shpërblimin e dëmit të shkaktuar, si pasojë e cenimit të këtyre të drejtave.

NENI 21

Procesverballi i mbledhjes se asamblesë

Kryetari i emruar nga Asambleja e Përgjithshme shpall vlefshmerine e themelimit te mbledhjes dhe kordinon zhvillimin e punes.

Sekretari duhet të regjistrojë të gjitha vendimet e asamblesë së përgjithshme duke hartuar procesverbalin.

Asambleja e Përgjithshme do të konsiderohet qe kryhet në një nga vendet e referuara në nenin 19 dhe, në çdo rast, vendi ku janë njëkohësisht prezent Kryetari dhe Sekretari.

Administratoret janë përgjegjës për mbajtjen e kopjeve të procesverbaleve të mbledhjeve të Asamblesë së Përgjithshme.

Procesverballi duhet të përmbajë rendin e ditës së mbledhjes, rendin e ditës, emrin e Kryetari dhe Sekretarit, si dhe rezultatet e shqyrtimeve dhe rezultatet e votimit.

Raporti është bashkangjitur edhe listën e personave të pranishëm në mbledhje. Procesverballi i mbledhjes do të nënshkruhet nga Kryetari dhe Sekretari.

NENI 22

Hetimet e posaçme

Asambleja e përgjithshme mund të vendosë nisjen e një hetimi të posaçëm për parregullsitë përgjatë veprimeve të themelimit të shoqërisë apo të ushtrimit të veprimtarisë tregtare. Hetimi kryhet nga një ekspert i pavarur i fushës.

Ortakët që përfaqësojnë të paktën 5 për qind të totalit të votave në asamblenë e shoqërisë, apo një vlerë më të vogël të parashikuar në statut dhe/ose cilido kreditor i shoqërisë mund t'i kërkojnë asamblesë së përgjithshme emërimin e një eksperti të pavarur të fushës, kur ka dyshime të bazuara për shkelje të ligjit ose të statutit në të kundërt brenda 30 ditëve pas refuzimit nga asambleja për emërimin e ekspertit të pavarur, mund t'i kërkojnë gjykatës emërimin e këtij eksperti. Nëse asambleja e përgjithshme nuk merr një vendim brenda 60 (gjashtedhete) ditëve nga data e paraqitjes së kërkesës, kërkesa e ortakëve vlerësohet e refuzuar.

E drejta për të kërkuar hetim të posaçëm, duhet të ushtrohet brenda 3 (tre) vjetëve nga data e regjistrimit të shoqërisë tregtare, kur hetimi ka si objekt parregullsitë e procesit të

themelimit, si dhe brenda 3 (tre) vjetëve nga data e veprimit, që konsiderohet i parregullt, kur hetimi ka si objekt parregullsitë e ushtrimit të veprimtarisë tregtare.

NENI 23

Përdorimi i të ardhurave neto

Të ardhurat neto, si rezultat i zbritjes së shpenzimeve të zbritshme të nevojshme për realizimin e aktivitetit në fjalë, do të konsiderohet në dispozicion të ortakeve të cilët do të vendosin të destinacionit, duke përfshirë çdo ndarje të tij, në përputhje me legjislacionin kombëtar në fuqi dhe të zbatueshme në këtë çështje .

NENI 24

Bilanci dhe plani financiar

Pasuria e Shoqërisë vlerësohet në bilancet e saj në monedhë të vendit ose në monedhë të huaj sipas vlerësimit të Ortakëve ose ekspertëve në momentin e Themelimit të Shoqërisë. Bilanci vjetor paraqitet brenda datës 31 Mars të vitit pasardhës. Forma e bilancit përcaktohet nga Administratori në harmoni me format e bilanceve të vendosura në Republikën e Shqipërisë.

Bilanci vjetor i përgatitur në mënyrën e përshkruar më lart, ofron aktivet dhe pasivet e aktivitetit ekonomik të kompanisë, të shprehura në lekë ose valutë të konvertueshme. Dokumentet dhe të dhënat do të mbahen me standardet dhe në përputhje me gjuhën shqipe.

Kursi i këmbimit të monedhës shqiptare me monedhen e huaj dhe ne të kundert, përcaktohet në bazë të kursit të këmbimit zyrtar të përcaktuar nga Banka Qendrore e Shqipërisë.

NENI 25

Shpërndarja e fitimeve

Ortakët kanë të drejtë për të shpërndarë lirisht në mesin e tyre një pjesë të fitimeve, që rezultojnë sipas bilancit më të fundit të miratuar nga Shoqëria. Fitimet do të shpërndahet ndërmjet ortakeve në përpjesëtim me kuotat e zotëruara në shoqëri.

NENI 26

Kufizimi i shpërndarjeve të fitimeve

Shoqëria mund t'u shpërndajë fitime ortakëve, vetëm nëse pas pagimit të dividendit:

a) aktivet e shoqërisë mbulojnë tërësisht detyrimet e saj;

b) shoqëria ka aktive likuide të mjaftueshme për të shlyer detyrimet që bëhen të kërkueshme brenda 12 muajve në vazhdim.

Administratorët, pasi aprovojne pasqyrat financiare të shoqërisë, lëshojnë një certifikatë të aftësisë paguese, e cila konfirmon shprehimisht se shpërndarja e propozuar e dividendëve përmbush kërkesat e mësipërme.

Kur gjendja e shoqërisë tregon se shpërndarja e propozuar e dividendëve nuk i përmbush këto kritere, administratorët nuk mund ta lëshojnë këtë certifikatë.

Administratorët përgjigjen ndaj shoqërisë për vërtetësinë e certifikatës së aftësisë paguese.

Administratorët, të cilët nga pakujdesia lëshojnë një certifikatë të pasaktë të aftësisë paguese, përgjigjen personalisht përpara shoqërisë për kthimin e dividendëve të shpërndarë.

Ortakët të cilët kanë marrë pagesën e dividendit nga shoqëria, të kryera më pas në kundërshtim të administratorit dhe në dem me parimet e përcaktuara në këtë nenë, do të kërkohet që të rikthejnë për ne shoqëri shumë e marrë si dividendëve nëse:

- (i) nuk është lëshuar certifikata e aftësisë paguese nga ana e administratoreve,
- (ii) pavarësisht lëshimit të certifikatës, këta ortakë kanë pasur dijeni për gjendjen e paaftësisë paguese të shoqërisë,

NENI 27

Ekspertët Kontabël (Audituesit)

Shoqëria cakton ekspert kontabël (Auditues) për çdo vit financiar kur jemi përpara rasteve të përcaktuara në ligj.

Emërimin e tyre e bën Mbledhja e Asamblesë së Përgjithshme. Ekspertët kontabël (Auditues) mbajnë përgjegjësi për mbajtjen e rregull të të gjithë dokumentacionit të Shoqërisë. Ata përgjigjen për dëmet që i vijnë Shoqërisë nga mbajtja e parregullt e llogarive ose verifikimi i tyre i gabuar.

Nuk mund të ngarkohen me detyrën e ekspertit, themeluesi, administratori, personat që janë gjini e krushqi me ata deri në shkallën e katërt.

NENI 28

Marrëdhëniet e punës

Marrëdhëniet e punës në Shoqëri rregullohen sipas dispozitave të Statutit dhe Legjislacionit Shqiptar të Punës.

Punësimi në Shoqëri realizohet me anë të kontrates individuale të punës midis Shoqërisë e të punësuarve.

NENI 29

Personeli administrativ dhe punonjësit janë përgjegjës për dëmin që i shkaktojnë kompanisë për mashtrim apo neglizhencës së madhe, dhe janë përgjegjës para tyre në mënyrë të civilizuar brenda kohës ligjore dhe ligjeve në fuqi të zbatueshme.

NENI 30

Prishja e Shoqërisë. Likuidimi

Kjo Shoqëri do të priset dhe do të ndjekte procedurën e likuidimit pas ndodhjes së shkaqeve të mëposhteme:

1. kur mbaron kohëzgjatja, për të cilën është themeluar;
2. me përfundimin e procedurave të falimentimit;
3. apo në rast të pamjaftueshmërisë së pasurive për të mbuluar shpenzimet e procedurës së falimentimit;
4. në rast se objekti bëhet i perealizueshëm për shkak të mosfunksionimit të vazhduar të organeve të shoqërisë apo për shkaqe të tjera që e bëjnë absolutisht të pamundur vazhdimin e veprimtarisë tregtare;

5. në rastet e pavlefshmërisë së themelimit të shoqërisë, të parashikuara nga neni 3/1 të ligjit për shoqëritë tregtare;
6. në raste të tjera, të parashikuara nga Asambleja e Përgjithshme;
7. ka një rezolutë të veçantë të miratuar nga Asambleja e Përgjithshme;
8. nuk ka kryer veprimtari tregtare për dy vjet dhe nuk është njoftuar pezullimi i veprimtarisë në përputhje me pikën 3 të nenit 43 të ligjit nr.9723, datë 3.5.2007 "Për Qendrën Kombëtare të Regjistrimit";
9. merret një vendim gjykatë;
10. përvoja raste të tjera të parashikuara nga statuti ose me ligj.

Prishja e shoqërisë regjistrohet në Regjistrin Tregtar pranë Qendrës Kombëtare të Biznesit nga administratorët.

NENI 31 Likuidimi i shoqërisë

Prishja e shoqërive tregtare ka si pasojë hapjen e procedurave të likuidimit në gjendjen e aftësisë paguese, me përjashtim të rasteve kur është nisur një procedurë falimentimi. Likuidimi kryhet nga likuiduesit e emëruar nga asambleja e përgjithshme. Likuidimi vullnetar i kompanisë do të bëhet nga palët për këtë qëllim likuiduesit e emëruar nga Asambleja e Përgjithshme.

Në rast të likuidimit të shoqërisë, likuiduesi, në përputhje me Ligjin dhe me vendimin e marrë me shumicën e kualifikuar së votave të Asamblesë së Përgjithshme, mund të shpërndajë në dobi të ortakëve të gjithë ose një pjesë të vlerës së pasurive të shoqërisë dhe për këtë qëllim, mund të vlerësojë çdo pasuri dhe të përcaktojë mënyrën e shpërndarjes midis ortakëve të shoqërisë.

Nëse asambleja e përgjithshme nuk merr një vendim për emërimin e likuiduesve, brenda tridhjetë (30) ditësh pas materializimit e edhe një nga shkaqet e shpërbërjes, çdo person i interesuar mund të kërkojë nga zyrtari i gjykatës për të marrë emërimin e likuidatorit.

NENI 32 Dispozita të Fundit

Ky Statut hyn në fuqi pas miratimit dhe regjistrimit të Shoqërisë në regjistrin tregtar pranë Qendrës Kombëtare të Biznesit.

NENI 33

Gjithçka nuk është parashikuar shprehimisht në këtë Statut do të disiplinohet nga legjislacioni tregtar dhe ligje të tjera të lidhura me të në fuqi në Republikën e Shqipërisë.

NENI 34

Ky Statut përpilohet në 4(kater) kopje në gjuhën shqipe dhe u nënshkrua pa vërejtje nga ortaku themelues në vendin e krijimit.

ORTAKU THEMELUES
Vjollca Hoxha

Vjollca Hoxha
